



Na osnovu člana 22 Statuta Brčko distrikta BiH („Službeni glasnik Brčko distrikta BiH“, broj 2/10 – prečišćeni tekst), člana 31 Zakona o izvršenju Budžeta Brčko distrikta BiH za 2024. godinu („Službeni glasnik Brčko distrikta BiH“, broj 1/24), člana 64 Poslovnika o radu Skupštine Brčko distrikta BiH („Službeni glasnik Brčko distrikta BiH“, broj 54/18 – prečišćeni tekst i brojevi: 17/20 i 24/20), Skupština Brčko distrikta BiH, na 62. redovnoj sjednici održanoj 31. jula 2024. godine, donosi

## ODLUKU O ODOBRAVANJU DONACIJA

### Član 1

- (1) Odobravaju se donacije neprofitnim organizacijama u Brčko distriktu BiH koje za cilj imaju promovisanje, razvijanje i realizaciju planinarskih aktivnosti.
- (2) Odobravaju se donacije neprofitnim organizacijama u Brčko distriktu BiH koje za cilj imaju podsticanje učešća mladih u procesima društvenog odlučivanja.
- (3) Ukupan iznos sredstava za realizaciju aktivnosti iz stavova 1 i 2 ovog člana iznosi 172.000,00 KM.

### Član 2

- (1) Realizacija sredstava donacija iz člana 1 ove odluke izvršit će se na osnovu Programa utroška sredstava koji donosi Komisija za upravu i finansije.
- (2) Programom utroška sredstava iz stava 1 ovog člana će biti definisan način dodjele sredstava, kriteriji i ostali bitni elementi za realizaciju navedenog programa.

### Član 3

Sredstva za realizaciju ove odluke obezbijedena su Budžetom Brčko distrikta BiH za 2024. godinu na organizacionom kodu 10010001 - Skupština Brčko distrikta BiH i ekonomskom kodu 614300 - Tekuće donacije neprofitnim organizacijama, analitička stavka 614312 - Tekuće donacije ostalim neprofitnim organizacijama.

### Član 4

Za realizaciju ove odluke zadužuje se Komisija za upravu i finansije, Stručna služba Skupštine i Direkcija za finansije Brčko distrikta BiH.

### Član 5

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-485/24

Brčko, 31. 7. 2024. godine

PREDSJEDNIK  
SKUPŠTINE BRČKO DISTRIKTA BiH  
mr. sci. Siniša Milić